



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1648

§. 2. De mari Supero.

urn:nbn:de:hbz:466:1-13147

§. 2. *De Mari supero.*

MARE superum sic appellatum est, quod Italæ parti Boreali incumbit; quoniam apud Geographos Septentrio pars dicitur Superior, ut Meridies nominatur Inferior, nisi forte habeatur ratio Maris, aut maioris alicuius fluuij. De limitibus autem, & amplitudine maris superi tres inueniuntur sententiae.

Prima eaque communissima siculo Fretu mare Superum & Inferum diuidit. Ita ferè omnes Geographi, & Historici.

Secunda est Marciani Capellæ lib. 6. distinguenter duo hæc maria per urbem Hydruntē.

Tertia est Plinij lib. 3. cap. 26. per Iapygiam Prom. hæc maria distinguitur: qui tamen parùm constanter in hoc negotio videatur locutus; ut ante me Cluuerius obseruauit.

§. 3. *De Sinu Adriatico, seu Ionio.*

MARE supra Italiam terras subiens sinus Adriaticus, vulgo à veteribus dictus est, ab Scylace & Eustathio Ionius sinus. Quamquam Plinius & Mela primam eius sinus partem, seu Meridionalem Ionium, secundam & interiorem Adriaticum appellant. Iam illius fines consideremus.

De INITIO huius sinus quatuor sententiae reperiuntur.

Prima est Scylacis hunc Sinum inchoantis à Iapygiā, seu Salentino Promontorio, & montibus Acroceraunis.

Secunda Plinij lib. 3. cap. 11. inter Hydruntē & Apolloniam, vbi breuissimus ex Italiā in Græciam transitus, atque vbi Pyrrhus Epirota primū, deinde Varro Classis Pompeianæ præfectus iter pedestre, iactis molibus, continuare voluerunt.

Tertia Polybij assignantis Cocyntum Pro. hodie cabo de Stillo.

Quarta denique Ptolemaeilib. 2. cap. 17. & lib. 3. cap. 1. incipientis hunc Sinum à Gargano monte in Italia, & Lissō flumine in Illyride.

De FINE quatuor quoque leguntur sententiae.

Prima est Procopij 2. Gothicorum claudentis Ionium Sinum ad Ravennam.

P